

374.

1424 Juli 8

Jost Paysenkese übernimmt bei einem Geschäft eine Bürgschaft für zwei unmündige Kinder.

fol. 57v Actum anno domini MCCCC XXIII^o sabbato post visitationis Marie hat Jost Paysenkeze globit Hansze Cappellin eyn rechte gewere von der czweyer unmundigen kinder wegin Nickel Kaldenkuchz, das sy sich, wenne sy zu yren jaren komen, alle irer vorderunge und gerechtikeit, dy sy hatten adir ymmer gehalten mochtin an Heinrich Kaldenkuchz seliger, irs eldervaterz, guten gancz und gar vorzihen sullen, das sy Hansze Cappellin und allin sinen erben in dy gut nymmer gereden noch gesprochen sullen in cheyne wiese und darumbe hat Cappelle ern Niclasz, dem pfarrer in der Longwicz, von des aptes von der Cellen und der czweyer kynde wegin in unserm rathe also hute bezalt hundirt rynischze gulden. Ouch hat dy Goczzen, des aptes mutter und Hansz Sporer von Erfard Paysenkeze vordir globit, das sy on des obgeschr(iebenen) globdes schadenloz wollen halden etc.

375.

(1424) Juli 10

Vertrag zum Bau eines Hauses.

fol. 57v ^(a)Wisset das vor uns komen ist Hansz Frysener und Andres Korsener und habin sich vor uns vorkort, das Wolfhart dy rye, dy czwischen Fryseners stube und sime gartin ist, sal yn buwen. Und das gebude sal dry jar stehen. Wenne dy dry jar uz gehen, so hat Wolfhard globit, das eyn eyenen steynenen wand buwen wolle, dy wand beydin huszen dynen sal zu irem gebude. Actum feria secunda post Kylian.

a) alles durchgestrichen

376.

1424 September 2

Mertin Lomiczschzer verkauft sein Haus.

fol. 58r ^(a)Wisset das vor kommen ist Mertin Lomiczschzer und hat bekanth, das er Niclasz Gurtelern sin husz ym Wydich, das sin und siner gewister was, vorkauft hat czu eyne rechten erbe, also das er dy losunge dar an habin sol dry jar, ab er also stadhaftig worde in dryen jaren, das om Niclasz Gurteler das husz ane widirsprache adir sine erben zu loszin geben sal, also das